

ხელშეკრულება
სახელმწიფო შესყიდვების შესახებ №73

ქ. ბათუმი

23 მაისი 2017 წ.

ერთის მხრივ, ა(ა)იპ „ბათუმის კულტურის ცენტრი“, დირექტორის ჯონი საბაშვილის სახით (შემდგომში – „შემსყიდველი“) და მეორეს მხრივ შპს „მარკა“ (შემდგომში – „მიმწოდებელი“) წარმოდგენილი დირექტორის ირაკლი ღლონტის სახით, (ელექტრონული ტენდერი -**SPA170005825**) ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. წინამდებარე ხელშეკრულების საფუძველზე მიმწოდებელი თანახმაა უზრუნველყოს საქართველოს დამოუკიდებლობის დღისადმი მიძღვნილი ღონისძიების ორგანიზება (CPV79900000) (შემდგომში – „მომსახურება“) ხოლო შემსყიდველი კისრულობს ვალდებულებას გადაიხადოს მისი ღირებულება ხელშეკრულებით დადგენილი წესით, (მომსახურების ჩამონათვალი მოცემულია დანართში, რომელიც ხელშეკრულების განუყოფელ ნაწილს წარმოადგენს).

1.2. მიმწოდებელი ასრულებს, ხოლო შემსყიდველი ღებულობს შესრულებულ მომსახურებას და ახდენს მისი ღირებულების ანაზღაურებას წინამდებარე ხელშეკრულების მე-2 მუხლის შესაბამისად.

1.3. წინამდებარე ხელშეკრულება არეგულირებს ურთიერთობებს, რომლებიც წარმოიშობა მხარეთა შორის.

2. ხელშეკრულების ფასი და ანგარიშსწორების წესი

2.1. მთლიანი სახელშეკრულებო ღირებულება შეადგენს 26275 (ოცდაექვსი ათას ორასსამოცდათხუთმეტი) ლარს.

2.2. მომსახურების ღირებულებაში შედის საქართველოს კანონმდებლობით გათვალისწინებული ყველა გადასახადი, რომელთა გადახდაზე პასუხისმგებელია მიმწოდებელი.

2.3. შემსყიდველის მიერ შესრულებული მომსახურების ანაზღაურება მოხდება უნაღდო ანგარიშსწორების წესით, მიმწოდებლის მიერ მიღება-ჩაბარების აქტის გაფორმებისა და ანგარიშ-ფაქტურის (ინვოსის) წარმოდგენის შემდეგ 10 (ათი) სამუშაო დღის განმავლობაში.

2.4. მიმწოდებლის მოთხოვნა ანაზღაურების შესახებ შემსყიდველისადმი შესრულებული უნდა იყოს წერილობითი ფორმით.

2.6 მიმწოდებელი ვალდებულია შემსყიდველთან ერთად დააფიქსიროს შესრულებული მომსახურების ღირებულება.

3. ხელშეკრულების ინსპექტირების პირობები

3.1. ხელშეკრულების შესრულებას შემსყიდველის მხრიდან კონტროლს, შესრულებული მომსახურების წინამდებარე ხელშეკრულების შესაბამისად მიღება-ჩაბარების მიზნით მიღება-ჩაბარების აქტის გაფორმებას და ზედამხედველობას განახორციელებს ა(ა)იპ ქ. „ბათუმის კულტურის ცენტრის“ დირექტორის ბრძანებით შექმნილი შესაბამისი მიმღები კომისია;


3.2. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე, მათ შორის მომსახურების ხარისხის პერიოდული ინსპექტირება;

3.3 მიმწოდებელი ვალდებულია საკუთარი რესურსებით უზრუნველყოს შემსყიდველი ინსპექტირების ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი ინსპექტირების მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი;

3.4 მიმწოდებელი ვალდებულია საკუთარი ხარჯებით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

4. შესყიდვის ობიექტის მიღება-ჩაბარების წესი

4.1. შემსყიდველმა უნდა შეამოწმოს შესრულებული მომსახურება ხელშეკრულების პირობებთან მიმართებაში;



4.2. თუ შესყიდვის ობიექტი არ შეესაბამება ხელშეკრულების პირობებს, შემსყიდველი მიმწოდებელთან ერთად ან მის გარეშე ადგენს აქტს დადგენილი წესის შესაბამისად;

4.3. გამოვლენილი დეფექტის ან ნაკლის აღმოფხვრასთან, ხელახლა ინსპექტირებასთან დაკავშირებულ ხარჯებს, ინსპექტირების შედეგად გამოვლენილი დეფექტის ან ნაკლის ღირებულების ანაზღაურება ეკისრება მიმწოდებელს.

4.4. შესყიდვის ობიექტის მიღება ფორმდება მიღება-ჩაბარების აქტით შემსყიდველისა და მიმწოდებლის უფლებამოსილი წარმომადგენლების ხელმოწერით. მომსახურება ჩაითვლება მიღებულად მიღება-ჩაბარების აქტის გაფორმებისა და ანგარიშ-ფაქტურის (ინვოისის) წარმოდგენის შემდეგ.

5. მხარეთა უფლება-მოვალეობანი

5.1. შემსყიდველი და მიმწოდებელი მოქმედებს „სახელმწიფო შესყიდვების შესახებ“ საქართველოს კანონის სრული დაცვით.

5.2. შემსყიდველი ვალდებულია:

ა) მიმწოდებელს წინასწარ გააცნოს ყველა იმ გარემოების შესახებ, რომელიც შეიძლება წარმოიშვას ხელშეკრულებით გათვალისწინებული მომსახურების შესრულებისას;

ბ) მომსახურების შესრულების დამოწმებიდან 10 (ათი) სამუშაო დღის განმავლობაში მოახდინოს მიმწოდებელთან ანგარიშსწორება.

5.3. შემსყიდველს უფლება აქვს:

ა) განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

ბ) საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.

5.4. მიმწოდებელი ვალდებულია:

ა) დაიცვას ხელშეკრულებით გათვალისწინებული ყველა პირობა.

ბ) დააკმაყოფილოს შემსყიდველის მოთხოვნა დამატებითი მონაცემებისა და გარანტიების წარმოდგენის შესახებ კანონმდებლობით დადგენილი წესით.

5.5. მიმწოდებელს უფლება აქვს:

ა) მოსთხოვოს შემსყიდველს მიწოდებული მომსახურების საბოლოო ანაზღაურება ხელშეკრულებით გათვალისწინებული პირობებით.

6. მხარეთა პასუხისმგებლობა

ხელშეკრულების პირობების დარღვევისას

1. ხელშეკრულების პირობების შეუსრულებლობის შემთხვევაში შემსყიდველს უფლება აქვს შეწყვიტოს ხელშეკრულება.

2. ფორს-მაჟორული სიტუაციების გარდა, მიმწოდებლის მიერ ხელშეკრულების პირობების შეუსრულებლობის შემთხვევაში გამოიყენება საჯარიმო და სხვა საჩუქები.

3. ხელშეკრულებით ნაკისრი ვალდებულებების პირობების შეუსრულებლობის, არაჯეროვანი შესრულების ან/და ხელშეკრულებით გათვალისწინებული პირობების დარღვევისათვის ასევე ხელშეკრულებით აღებული ვალდებულებებზე უარის თქმის შემთხვევაში, რაც გამოიწვევს ხელშეკრულების დროზე ადრე შეწყვეტას „მიმწოდებელს“ ეკისრება ჯარიმა ხელშეკრულების ჯამური ღირებულების 5 (ხუთი) პროცენტის ოდენობით.

7. ხელშეკრულებაში ცვლილებების შეტანა ან შეწყვეტა

7.1. ხელშეკრულების დამდებ არცერთ მხარეს არა აქვს უფლება ცალმხრივად შეცვალოს ხელშეკრულების პირობები.

7.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

7.3. ნებისმიერი ცვლილება რომელსაც მოჰყვება ხელშეკრულების ფასის გაზრდა ან შემსყიდველის პირობების გაუარესება, დასაშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.



7.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

7.5. მხარეს შეუძლია უარი თქვას ვალდებულების შესრულებაზე, თუ მეორე მხარე აშკარად არღვევს წინამდებარე ხელშეკრულებით განსაზღვრულ მოთხოვნას.

7.6. თუ ხელშეკრულების დადების შემდეგ აღმოჩნდება, რომ არსებობს რეალური საშიშროება იმისა, რომ მიმწოდებელი არ შეასრულებს თავის ვალდებულებას ჯეროვნად და კეთილსინდისიერად, შემსყიდველი უფლებამოსილია ვადაზე ადრე მოითხოვოს წინამდებარე ხელშეკრულების შეწყვეტა.

7.7. წინამდებარე ხელშეკრულება შეიძლება შეწყდეს ვადაზე ადრე მხარეთა შეთანხმების საფუძველზე.

7.8. ხელშეკრულება შეიძლება შეწყდეს აგრეთვე საქართველოს სამოქალაქო კოდექსით გათვალისწინებული სხვა შემთხვევებში.

7.9. ერთ-ერთი მხარის ინიციატივით წინამდებარე ხელშეკრულების ვადაზე ადრე შეწყვეტის თაობაზე მეორე მხარეს უნდა ეცნობოს დაუყოვნებლივ.

8. მომსახურების გაწევისა და ხელშეკრულების მოქმედების ვადა

8.1. მომსახურების გაწევა უნდა განხორციელდეს ხელშეკრულების გაფორმებიდან 2017 წლის 27 მაისის ჩათვლით.

8.2. ხელშეკრულების მოქმედების ვადა 2017 წლის 30 ივნისი.

9. ფორს-მაჟორული სიტუაციები

9.1. მხარეები არ არიან პასუხისმგებელნი თავიანთ ვალდებულებათა სრულად ან ნაწილობრივ შესრულებაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, ექსპორტისა და იმპორტის აკრძალვა, თუ ისინი უშუალო ზემოქმედებას ახდენენ ხელშეკრულების შესრულებაზე.

9.2. მხარეს, რომელსაც შეექმნა ფორს-მაჟორული გარემოება, დაუყოვნებლივ უნდა აცნობოს წერილობით ამის შესახებ მეორე მხარეს. ამასთან მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

10. სადაო საკითხების გადაწყვეტა

10.1. შემსყიდველმა და მიმწოდებელმა ყველა ღონე უნდა იხმაროს, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

10.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას მოლაპარაკებების დაწყებიდან 30 კალენდარული დღის განმავლობაში, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

11. გადასახადები და ბაჟები

11.1 მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე.

12. შეტყობინება

12.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

12.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიანდება.



13. სხვა პირობები

13.1. ყველა სხვა საკითხი, რაც გათვალისწინებული არ არის ამ ხელშეკრულებით გადაწყდება მოქმედი კანონმდებლობის შესაბამისად.

13.2. ხელშეკრულება შედგენილია სამი თანაბარი იურიდიული ძალის მქონე ეგზემპლარად და ინახება მხარეებთან.

13.3. ხელშეკრულება ძალაში შედის მხარეთა მიერ მისი ხელმოწერის დღიდან.

14. მხარეთა იურიდიული მისამართები და რეკვიზიტები

„შემსყიდველი“

ა(ა)იპ ქ. „ბათუმის კულტურის ცენტრი“

მის.: ქ. ბათუმი ზღვისპირა პარკის ტერიტორია

ს/კ 245612109;



„მიმწოდებელი“

შპს „მარკა“

მის: ქ. ბათუმი ტაბიძის ქ. #1 ბ. 40

ტელ: 592 129 192


სს „თიბისი ბანკი“

ბანკის კოდი: TBCBGE22

ანგარიშის ნომერი:

GE79TB 7014 1360 8010 0004

საინდეტიფიკაციო კოდი: 445394430



ტექნიკური დოკუმენტაცია

1. სცენის ბანერების დამზადება - 8 ცალი (სცენის გვერდი 6 ცალი - 8*1მ, სცენის უკანა მხარე ბანერი 5*5მ 1 ცალი, სცენის გარშემო ბანერი 1,20*32მ 1 ცალი) ბეჭდვა დამკვეთთან შეთანხმებული დიზაინით და განთავსება შეთანხმებულ ადგილებში.
2. 1000 ცალი ფერადი პატარა ქაღალდის დროშების მოწოდება (ხელში დასაჭერი ალმები);
3. თოკზე გაბმული პატარა საქართველოს დროშები სულ 1500მ, დროშის ზომა 20*15სმ, ყოველ ერთ მეტრში 4 ცალი. მონტაჟი, დემონტაჟი;
4. 20 ცალი ფეხზე დასადგამი დროშის მოწოდება – დიდი ზომის, თავისი რკინის სამაგრით (დიზაინი შემსყიდველთან შეთანხმებით, დასაწყობება მერიის საწყობში);
5. 80 ცალი თემატური დროშა ბანერების მოწოდება და განთავსება – მთელი საკონცერტო სივრცის გარშემო, განათების ბოძებზე თემატური დროშა ბანერების განთავსება, ორმხრივი სამაგრით, ზომა: 0,60*1,5მ მონტაჟი, დემონტაჟი;
6. ჰელიუმის ბუშტების მოწოდება (5000 ცალი თეთრი და წითელი ფერის);
7. გამოფენის უზრუნველყოფა - შემსყიდველის მიერ მითითებული საარქივო მასალის მოძიება და 20 ფოტოს დაბეჭდვა (1*.80 მ PVC-ზე დაბეჭდილი ან დასტიკერებული);
8. 5 წუთიანი ფერვერკის გაშვება
9. ჯებირების და სხვადასხვა რკინის კონსტრუქციების მოწოდება - ბათუმის პორტიდან ან/და მერიის საწყობიდან ანბანის კოშკის მიმდებარე ტერიტორიაზე, ტრანსპორტით და მუშებით უზრუნველყოფა - მონტაჟი/დემონტაჟი.
10. ყვავილები - 2 ცალი დიდი ყვავილების კალათის და 100 ცალი მიხაკის მოწოდება;
11. 30 წმ-ნი გრაფიკული სარეკლამო ვიდეო რგოლის დამზადება;
12. კარავით უზრუნველყოფა („ბექსთეიჯისთვის) – ზომა მინიმუმ 5*5, სიმაღლე 3 მეტრი; დამკვეთთან შეთანხმებული მოდელი, მონტაჟი, დემონტაჟი.
13. განათების ქირაობა - მოტრიალე თავი ბიმი 230 ვატიანი 12 ცალი, მოტრიალე თავი ვოში 575 ვატიანი ლამფით 8 ცალი, მოტრიალე თავი ბლინდერი 4 575 ვატიანი ნათურით 4 ცალი, მოტრიალე თავი სპოტი 575 ვატიანი ნათურით 6 ცალი, სტრობოსკოპი 3 კალოვატიანი ნათურით 4 ცალი, ლედ ბარი 1 მეტრიანი 30 3 ვატიანი რგბ დიოდით 10 ცალი, სამართავი პულტი არანაკლებ 1024 დმიქს არხით 1 ცალი, შესაბამისი სადენები და კომუთაცია აღნიშნული აპარატურისთვის.
14. გახმოვანების აპარატურით უზრუნველყოფა (2 კვ.ტ სიმძლავრის).



ფასების ცხრილი

№	დასახელება	რაოდენობა	ერთეულის ღირებულება (ლარი)	საერთო ღირებულება (ლარი)
1	სცენის ბანერები	8 ცალი	210	1680
2	პატარა დროშა (ალმები)	1000 ცალი	1,30	1300
3	თოვზე გაბმული დროშები	1500 მეტრი	2,30	3450
4	ფეხზე დასადგამი დროშა	20 ცალი	70	1400
5	თემატური დროშა ბანერების მოწოდება, განთავსება და დემონტაჟი	80 ცალი	25	2000
6	ჰელიუმის ბუშტი	5000 ცალი	1,30	6500
7	გამოფენისთვის ფოტოების დაბეჭდვა	20 ცალი	70	1400
8	ფერვერკი (5 წუთიანი)	1 ცალი		
9	ჯებირების მოწოდება (მონტაჟი-დემონტაჟი)	50 ცალი	5	250
10	ყვავილების კალათა	2 ცალი	80	160
11	მიხაკი	100 ცალი	1,80	180
12	სარეკლამო ვიდეო რგოლი	1 ცალი	500	500
13	კარავი	1 ერთ.	500	500
14	სცენის განათების აპარატურით უზრუნველყოფა	1 კომპლ.	3600	3600
15	გახმოვანების აპარატურით უზრუნველყოფა 2კვ.ტ	1 კომპლ.	355	355
	ჯამი: 26 275 ლარი			



ინფორმაცია
ინტერესთა კონფლიქტის შესახებ

23 მაისი 2017 წ.

ქ. ბათუმი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქვემოთ ხელის მოწერით ვადასტურებ რომ ა(ა)იპ „ბათუმის კულტურის ცენტრის“ მიერ 2017 წლის 23 მაისს გაფორმებული №73 ხელშეკრულების საფუძველზე საქართველოს დამოუკიდებლობის დღისადმი მიძღვნილი ღონისძიებების ორგანიზების შესყიდვის განხორციელებაში შპს „მარკა“-ს მონაწილეობა არ იწვევს ინტერესთა კონფლიქტს.

ა(ა)იპ „ქ. ბათუმის კულტურის ცენტრის“
დირექტორი

